



UNIVERSITÄTS-
BIBLIOTHEK
PADERBORN

Quæstiones Canonicæ De Decimis

Friderich, Melchior

Ingolstadii, 17010 [i.e. 1710]

Quæstio VII. Quomodo compellendi sint, qui renunt solvere decimas.

[urn:nbn:de:hbz:466:1-61677](#)

ultrò remisit: tunc enim præscriptioni locus non foret, ut constat ex dictis n. 549. in fin. & n. 663. Si deinde laicus colligit decimas per tempus immemorale, ita ut de contrario non extet memoria, nec per testes nec per scripturam, manutenenendus est, tametsi titulum non probet, juxta dicta n. 477. quia ubi adest possessio immemorialis, opus non est allegari titulum, ut post Menochium, Gabrielium, ac

alios latè ostendit Gutier. l. 3. Pract. c. 14. n. 72. Minus tamen tempus, quam immemorale, hīc non sufficit, ut patet ex dictis n. 477. 480. & 655. Benè tamen hīc notanda sunt, quæ dixi suprà n. 479. & seqq. ac universim circa hanc præscriptionem & consuetudinem tam colligendi decimas, quam non solvendi, advertendæ sunt limitaciones, quas posui n. 265. 266. 269. 270. & 449.

QUÆSTIO VII.

*Quomodo compellendi sint, qui renuunt solvere
Decimas?*

S U M M A R I U M.

698. Ecclesia, et si quis habeat ad decimas, non tamen propria auctoritate auferre potest nondum separatas.

699. Judex Ecclesiasticus renuens solvere non tantum compellere potest.

700. Sedetiam tenetur.

701. Per excommunicationem.

702. Hanc comminando cum pracepto solvendi absque citatione.
703. Et quidem ex officio, & nomine agentis.
704. Invocari potest etiam brachium seculare
705. Et compelli morosus debitor ad usuras.

698 **C**ertum est in primis, quod Ecclesia semper jus habeat ad exigendas decimas, quamdiu eas non remisit, aut non præscripsit, qui debet, ut constat ex dictis n. 541. & seq. Certum est secundò, non posse Parochum per vim & propria auctoritate accipere deci-

mas, tametsi Parochiani injustè eas detineant & solvere differant aut omnino renuant, ut dixi n. 544. & seq. Cum igitur exigi possint, tametsi tempore, quo solvendæ fuerant, soluta non sint, nec tamen jus sibi ipsi decimator dicere possit vi vel clam eas arripiendo,

Xx quæ-

questio est, à quo & quomodo ad solutionem compellendi sint morosi aut contumaces earum debitores.

699 Assert. I. Judex Ecclesiasticus competens Fideles debitores decimarum cogere ad eas solvendas potest. Constat ex *Can. Omnes* s. 16. q. 7. c. 3. & seqq. h. t. ac *Trident. Sifff. 25. c. 12. de Reform.* Ratio perspicua est: quia qui eas detinent, contra Religionem & Justitiam peccant, ut ostendi n. 42. & 50. ac contra speciale præceptum Ecclesiæ, &, ut dicitur *Can. Decimas* 1. 16. q. 7. Sacrilegij crimen commitunt ac æternæ damnationis periculum incurront, ergo si obligationi suæ non satisfaciunt, compelli ad id possunt à Judice Ecclesiastico, utpote qui ob dictas rationes est competens.

700 Assert. II. Prælati Ecclesiæ Fideles ad decimas obligatos non solum compellere ad solvendum possunt, sed etiam tenentur. Ita *Canonistæ in c. Pervenit* s. h. t. ubi SS. Pontifex Episcopis mandat, ut paroecianos compellant ad decimas cum integritate persolvendas. Ratio hujus obligationis Episcopis incumbentis est, quia ut fideles ministri ac dispensatores tenentur non negligere Ecclesiasticorum iurium & bonorum defensionem & custodiam. Addunt tamen *Suar. c. 38. n. 4.* ac alij ex *S. Thoma* 2. 2. q. 87. art. 1. ad s. quandoque non exigendas esse decimas propter vi-

tanda scandalâ & majora mala, vel ut *S. Doctor loquitur, ubi sine scandalo requiri non possunt propter diffuetudinem*, vel propter aliquam aliam causam. Et quamvis idem q. 42. art. 8. significet, non posse Prælatos Ecclesiæ dimittere bona temporalia Ecclesiæ propter scandalum vitandum, & in respons. ad s. solum excipiat petitionem decimarum, ubi scandalum oriretur ob consuetudinem eas non solvendi: rectè tamen ibidem Cajetanus distinguit inter bona Ecclesiæ jam acquisita, & inter acquirenda, illaque etiam propter scandalum vitandum non posse abdicari; posse verò quandoque propter hanc causam dimitti posteriora. Aliter rem decidit *Alensis p. 3. q. 51. memb. 6. art. 1.* afferens, propter scandalum generale, quod in schisma gereret, posse Prælatos dissimulare & decimas non exigere; non posse ad vitandum scandalum solum particulare. Illud certum est, propter scandalum, quod *Pharisaicum* dicitur, & solum ex malitia hominum provenit, dum absque justa & probabili causa solvere renuant, ac exigentes Clericos damnant avaritiae, nimij rigoris &c. desistendum ab exactione non esse: ad hoc enim vitandum cedenda ab Ecclesia forent omnia bona laicis, cum horum non paucis semper nimium sit, quod Clerici ac Religiosi possident, quorum proinde malignæ obtrectationes ex cupiditate & invidia

vidia natæ contempnendæ sunt. Pariter certum est, posse Parochum aliumve decimatorem, quæ sibi debentur, vel gratis, vel per pactum, aut compositionem Parochianis remittere, sicut illa, quæ jam percepit, ijsdem donare potest. In quanto tamen suis successoribus non præjudicat, ut dixi n. 270. & n. 663. imò nec sibi, nisi quando aliunde ipsi de congrua sustentatione provisum est, & pacto remissio facta ad plures annos vel totam ipsius vitam. Ne verò ex hujusmodi remissionibus jus quoddam sibi Parochiani arrogent, aut saltē, quod frequenter contingit, non murmurent, quando successor exigit, quod antecessor aut exprefse, aut dissimulando tacite remisit, expedit eos moneri, hujusmodi remissionses ultrò & gratis fieri salvo manente jure Parochiali. Qua ratione hæc remissio fieri possit, declaratum est supra n. 164. & seq. ac n. 308. usque ad n. 312.

701 **702** **Assert. III.** Qui solvere decimas renunt, compelli ad solvendum possunt ac debent per excommunicationem. Ita statuitur *cit. c. Pervenit 5.c. Nuncios 6.c. Ex parte 21.c. Tua nobis 26.c. In aliquib. 32.c. Cum non sit 33. h.t. & in Trident. sess. 25. c. 12. de Refor.* ubi dicitur: *qui decimas subtrahunt, aut impediunt, excommunicentur, nec ab hoc crimine sine plena restituzione securā absolvantur.* Ratio est: quia si admoniti non solvunt,

contumaces sunt ac idcirco excommunicari possunt, nec absolvi queunt, quamdiu, dum possunt, non restituunt, quia solutionis non sunt capaces. Dixi, absolvi nec debere nec posse, quamdiu non restituunt, dum possunt: nam, ut rechè advertit Navart. in *Manuali c. 21. n. 33.* absolvi possunt, si restituere volunt & non possunt.

Assert. IV. Quamvis cætero- 702 quin à citatione procedendum sit juxta *L. I. C. de Execut. rei judic.* in decimis tamen incipi potest à præcepto cum monitione sub excommunicationis pœna, non tantum de præteritis, seu ijs, quæ jam debentur, sed etiam de solvendis in futurum. Ita post *Gloss. Cardin. Laudens. Imola.* ac alios in *Clem. Dispensio sam de Judicijs Rebuffus q. ult. de Decim. n. 23. & Moneta c. 8. q. 4. n. 56.* Ita tamen, ut priùs sumatur informatio, quod talis sit subditus, & quod prædia, ex quibus illæ petuntur, sint in Parochia hujus Rectoris. Audiri quoque monitus debet, si opponat, & per modum provisionis compelli, si justam non allegaverit causam, ut notat *Rebuffus loc. cit.* nec appellatio recipi, ut dictum est n. 671. & seqq.

703 **Assert. V.** Judex ex officio & 703 nemine petente procedere contra renuentes potest, & compellere ad solvendum, captâ tamen priùs, de qua modò dictum est, informatione. Ita in *cit. Clem. Dispensio sam Anch. n. 4. Cardin. n. 28.*

Xx 2 Imola

Imola n. 7. Maranta in Praxi iudic. p. 6 n. 196. Moneta l. c. n. 76. Idque potest non tantum Episcopus, sed etiam Visitator ab eodem deputatus, uti notant Læl. Zecch. tr. de Episcop. c. 6. n. 3. Franc. Pavin. tr. de Visitat. q. 2. à n. 44. & Moneta l. c. n. 77. quia Visitatori incumbit correctione excessuum & omnimoda solicitude Cleri & populi. Dummodò notoriè constet, subditos ad solvendum teneri, nec isti rationabilem aliquam causam renuendi allegent: hanc enim si allegarent, & res altiorem indaginem requireret, deferenda esset ad Episcopum aut SS. Pontificem.

704 Assert. V I. Contra renuentes solvere invocari potest brachium seculare. Ita Glossa in cit. Clem. V. Coerceri, Imola n. 12. ac alij ibid. Rebuff. q. ult. n. 18. ubi cum Hostiens. Joan. Andr. ac alijs bene addit ex c. Postulâsti 21. de Homicid. id verum esse, tametsi debitoribus ob contumaciam immineat sanguinis effusio. Et quidem adiri potest Judex secularis, tametsi decimator jus suum consequi possit per Ecclesiasticum, cùm hîc, ut ponimus, agatur de solo facto, de quo si agitur, causa est mixta, ut constat ex dictis n. 581. & seq. Assertio tamen solùm procedit de casu, quo reus est laicus, cùm contra Clericum ne quidem in quæstione facti procedere possit Judex secularis, ut dictum est n. 573. & seq.

705 Assert. VII. Judex morosos de-

cimarum debitores non tantum ad solutionem earum compellere potest, sed etiam ad usuras. Ita post Cardin. in Clem. I. §. fin. de usur. q. 16. n. 9. ac alios docet Moneta c. 6. q. 4. n. 24. Per usuras hîc intelligendum est, quod decimatoris interest ex dilata solutione, seu damnum, quod ex illa est passus: hoc enim compensari debere à debitore, qui in mora culpabili est, æquitas & jus naturale exigit, & habetur expressum c. ult. de Ffjur. & damno dato. ubi jubetur satisfacere, cujus culpâ vel injuriâ damnum datum est, & c. Cùm homines 7. h. t. ubi jubentur fideles compelli, ut decimam statim fructibus collectus persolvant, atque de subtractis & retentis dignam satisfactionem exhibere procurent. Hinc assertio non tantum merè probabilis est, ut videtur Moneta l. c. sed certa. Si verò per usuras hîc intelligit illas ordinarias usuras quincunes, quæ juxta multorum opinionem vi l. 5. & l. 13. C. de Action. empt. & vend. l. 13. §. 20. ff. eod. & l. ult. ff. de Peric. & com. rei vend. ob moram non soluti pretij debentur venditori, ne quidem probabile est, eas deberià colonis solutionem decimarum differentibus, si interesse decimatoris ad quincunes non ascendit: nec enim lex ulla vel Canon ad plus obstringit morosum debitorem, quam ad id, quod interest creditoris, nec isti æquitas naturalis plus permittit;

tit; nisi fortè ex poena conventionali plus debeatur. Quòd verò emptor ob moram in solvendo pretio quincunces debeat, id solum idcirco statutum est, quia interesse venditoris ordinariè ad illas ascendit; & sicut ad illas tenetur morosus emptor, tametsi forsitan in

aliquo casu interesse venditoris eò non pertingat, ita vicissim si istud superat quincunces, ad has tantum tenetur emptor, & non ad totum interesse venditoris, ut fusè dixi in Tract. de Empt. & Vend. p. 5. c. 2. art. 2. à n. 644.

C A P U T IV.

De Pœnis non solventium Decimas.

Q U Ä S T I O I.

Quæ pœnae à DEO infligantur Decimas non solventibus?

S U M M A R I U M.

706. Multiplex peccatum decimas non solventis.

707. Et grave.

708. Pœna varia propterea à Deo infligi solita.

706 Cùm peccent tam contra legem naturæ & Divinam positivam, quam contra Ecclesiasticam, & contra Justitiam æquæ ac Religione, qui decimas vel omnino non solvunt, vel non fideliter & integrè, ut fusè tradidi n. 29. & seqq. consequens est, obnoxios esse vindictæ non tantum Ecclesiæ, sed etiam Dei juxta c. Quamvis 17. b. t. ubi eorum crimen dicitur dignum Divini animadversione judicij. Cùmque ipsorum culpa sit virtute multiplex, ita ut Hostiensis in Summa rubr. de Decim. n. 9. eos dicat in no-

vem delinquere (ubi tamen culpas & pœnas confundit) mirum non est, vario quoque & multiplici modo eosdem puniri. De illis pœnis, quas DEUS subtrahentibus Ecclesiæ decimas infligere solet, modò agendum est; postea de ijs, quas Ecclesia.

Assert. Præter pœnam æternam, quæ decimarum defraudatores manet, nisi resipiscant, & DEO ac Ecclesiæ, cui eas negarunt, quantum possunt, satisfaciant, variæ infligi pœnæ temporales à DEO solvent, quæ ex Malach. c. 3. enarrantur

Xx 3 tur